

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit145

Édition critique

1295, 31 mars ou 1296, 22 mars.

Type de document: Charte: vente

Objet: Johan Eigne vend à l'Abbaye de la Merci-Dieu quatre sous de cens annuel sur plusieurs rentes.

Support: Charte autrefois scellée.

Lieu de conservation: Archives Départementales de la Vienne, J. 74.
- Prieuré de Tartifume.

Transcription de la charte

1 Sachent tuit **2** *que*, presenz davant nous, Johanz Eigneas reque
 nut *que* il, por [sei] [heirs] [e] ^[1] por les seens, purement e \2
 absolument à toz jorz mes, **3** aveit vendu e, por non de *perpetuau*
 vençon, bailla, *par* la tenor de cete letre, **4** à l'abé e au \3 convent de
 la Merci Dé e aus lor, **5** por le prez de *quarante* e oict solz de moneie
 corant, des quaus li diz venderes se \4 tint por payez en deners
 nombrez, **6** quatre solz de cens annau e *perpetuau que* li deveient, si
 com il *quenut*, à chescun an, \5 **7** ce est à ssaveir: Perres de Vaus, q
uinze deners; **8** Perres do Chilleo e si confrere, nouf deners; **9**
 Johanz do Pin, sex deners; \6 **10** Helies Gooneas, sex deners; **11**
 Guilleames Bastarz e si confrere, oict deners; **12** Estenres Fortimers,
 dous deners; **13** Estenres \7 li Condurers dos Nialeres, dous deners
 sus herbergemenz e sus lor terres assises aus parroisses de Ingrande
 e \8 de Oyré; **14** e tout le droit de seignorie, de *propriété* e de
 possession e de destreit *que* li diz venderes aveit e avoir \9 poeit au
 dites choses vendues e au choses sus *quei* eles sunt deües e en ceos
que les deivent por reson \10 de celes. **15** E est tenuz li diz venderes,
 si com il promist *par* sa fei donee sus l'obligement de ses beens, aus
 diz \11 acheteors e aus lor, à toz jorz mes *segund* droit, les dites
 choses vendues de toz e vers toz delivrer, deffendre \12 e garir; **16** e
que il jamés encontre les dites choses ou encontre aucune de celes,
 por *queque* reson, ne ferunt *par* eos \13 ou *par* autres; **17** renuncianz
 sus cetes choses, sus le lian de la dite fei, à toute excepcion, à tot
 dreyt, à tot pri\14vilege, à tot establiment, e especiaument à
 excepcion de *tricherie* en cest fet e de *deceivement* outre la meité de
 droit prez \15 e de peccune non nombree e à toutes autres choses.
18 E à cetes choses tenir, sanz fausser, à toz jorz, nous le \16 avum
 condampné, de son gré, *par* le jugement de la cort le visconte de

Chasteleraut, **19** e feïsmes cete letre saeler au \¹⁷ sea de la dite cort
en tesmoign de verité· **20** Doné le joudi de la Cene, l'an de nostre
Seignor mil dous cenx quatrevinz \¹⁸ e quinze·

Notes de transcription

^[1] Un grattage a effacé la plupart des lettres ,/